

INUIT ATAQATIGIIT INATSIARTUNI



UPA2023/101
9. maj 2023
Adam Kristensen

**Kalaallit Nunaannut naleqqussakkamik allaffissornikkut
aaqqissuusseqqinnissamik pilersaarummik suliaqarnissamik
Naalakkersuisut peqquneqarnissaannik Inatsisartut
aalajaanngiffissaattut siunnersuut. Pilersaarut kingusinnerpaamik
UPA2024-mi saqqummiunneqassaaq.**

(Inatsisartuni ilaasortaq Doris J. Jensen, Siumut)

Oqaaseqaat:

Siunnersuuteqartumut qujanaq Doris J. Jensen, Siumut.

Allaffissorpeq ullumikkut atungarput qanoq iliorluta nunatsinnut naleqquttooq pilersinniarpaput, allaffissorperup annertuallaamik ingerlanneqarnera millisarneqassappat sullissineq annilillinngikkaluarlugu akikinnerusumik ingerlanneqassappat qanoq iliussaagut, tamanna pisinnaasariaqarpoq sulisorisat pisinnaasaasa qaffassartuarnerisigut.

2023-mut aningaasanut Inatsimmut isumaqatigiissut issuarneqarsinnaavoq, qupperneq 20:

Isumaqatigiissuteqartut isumaqatigiisummik piareersaasiornermi pisortat allaffeqarfiini ukiuni kingullerni aningaasartuutit annertusiartornerannik pisariaqartitsineq oqaloqatigiissutigaaq. Tamanna allaffissorperup nunatsinni tunngavissaasunut nalimmassarlugu nutaamik eqqarsarluni ilusilersorneqarnissaanik pisariaqartitsivoq. Tassani pisortat ataatsimut ingerlassiviata nalimmassarneqarnissaanik pisariaqartitsisoqarpoq. Aningaasanut inatsisip akuerineqarnerata kingorna tamanna sukumiisumik suliarineqassasoq isumaqatigiissuteqartut naatsorsuutigaaq.

Qupperneq 2-mi allaqqavoq

Innuttaasut katitigaanerisa allanngornerat pisortat ingerlatsiviata tamarmiusup qanoq ilusilersorneqarnissaata iliuuseqarfiginissaanik pisariaqartitsineq. Ukiuni qulikkaani aggersuni ikinnerusut amerlanerusunik pilersuilernissaannut aningaasaqarnikkut sulisoqarnikkullu aaqqiissutinik nassaartussaavugut. Tamanna ingerlassiviit akimorlugit pingaarnersiutinissamik pisariaqartitsillunilu ilinniartitaanermut suliffeqarnermullu politikkitsinnut piumasaqaateqarpoq,

INUIT ATAQATIGIIT INATSIARTUNI



*taamaalilluni iniaqatigiinni atugarissaarnermi taamaaginnartitsillunilu
suliassanik kivitsinissamut naammattunik sulisussaartoqarsinnaaqqullugu.*

Inatsisartuni isumaqatigiissutineqarportaaq allaffissornikkut sipaarniuteqartoqartariaqartoq, taamaammat 2022-mut aamma 2023-mut Aningaasanut Inatsimmi aningaasaliissutissat ikililiiffigineqarput. Partiinit tamanit isumaqatigiissutigineqartumik.

Oqaatigineqarsinnaasutut isumaqatigiippugut marloqiusamik allaffissorneq atorunnaarlugu eqaallisaasoqassasoq, soorlu tamannarpiaq Kommunerujussuit pilersinneqarnissaat eqqartorneqartoq. Taamani (2007-mi) Isumaqatigiissutigineqarpoq Namminersorlutik Oqartussat Kommunillu akornanni akisussaaffinnik suliassanillu agguataarineq nutarterneqassasoq, Namminersorlutik Oqartussat pingaarnertut makku suliarineqassasut: Inatsisiliorneq, inerisaaneq aamma ataqatigiissaarineq. Suliassat ingerlatsiviusut iperarneqassasut, Kommuninullu ikaarsaartillugit. Kommunillu innuttaasunik kiffartuussinerit assigiinngitsutigullu ingerlassinerit akisussaaffigissagaat, innuttaasullu Kommunerujussuarmi sumiluunniit najugaqarunik assigiimmik pineqassasut.

Aperisariaqarpugulli: Siunniussat tamakkua unitsiinnarneqarnersut??

Aammattaaq eqqartorparput qarasaasiaqarnikkut atortorissaarutitsigut inerisaaneq nutarterinerlu suli allaffissornikkut eqaallisaaniarnermi isumalluutaasutut isumaqarfigigatsigit, taamaattoq ineriartorneq sukkanerpaajusutut oqaatigineqarsinnaanani. Namminersorlutik Kommunillu peqatigiillutik tamatuminnga suliaqarmata killiffik siunissamullu naatsorsuutigineqarsinnaasut suussanersut paaserusunnarpoq.

Aamma sulisoqarnermut unammillernartut eqqaavagut, pingaartillugu sulisorisat aalajaatsuunissaannut ataavartumillu piginnaanngorsarnerqarnissaat qulakkeerneqartariaqarpoq. Sulisut pisinnaasaasa qaffassartuarnissaat pingaartupilussuusoq.

Apeqqutit tikitatta pingaartut ilaattut, iterngali tikillugu eqqartunngisarput una: Allaffissorneq, Nunatsinnut tulluortoq, sunik ilisarnaateqassava?

Eqqartungarput pingaaruteqarluinnarmat Inuit Ataqatigiinnit oqallinnermut peqataassaagut.